

Tlaleho e mabapi le ho haptjwa ha dithethefatsi tse fetolang semelo - Letsholong le bitswang 'Irene'

Tshwane, 4 Loetse 2025 - Ka la 3 Loetse 2025, Ditshebeletso tsa Lekgetho tsa Afrika Borwa (SARS) di etelletse pele letsholo la kopanelo la mautlwela le bakileng hore ho haptjwe dithethefatsi tse fetolang semelo tseo boleng ba tsona mmarakeng bo ka bang R56 million.

Seketswana sa Bolaodi ba Meedi sa Tekolo se kgaolelitse sekepe sa morwalo pela Fairway Bouy kante ho boemakepe dimaeleng tse 4 tsa lewatle le ka lebopong le ka Botjhabela la Durban mme sa tataisa sekepe sena ho ya ema boemakepeng. Bahlanka ba Bolaodi ba Meedi ba ile ba kena sekepeng sena mme ba fumana dikhontheina tse mmalwa tse ileng tsa hlwauwa le pele di fihla hore di ka baka kotsi e mabapi le ho mokolwa.

Hlahlobo ena e lebisitse ho fumanweng ha ditena tse 25 tse kgolo tseo ho neng ho belaelwa hore ke tsa khokheine tse neng di patilwe kahara diyuniti tsa foritjhi tse kahara dikhontheina tse mmalwa. Diteko tse entsweng di bontshitse hore dithoto tseo e feela e le khokheine ya maemo a hodimo e ka boelang e tswakuwa hape hore e etse methamo e meng e meholwanyane hore e tle e tsebe ho ajwa ka tsela e seng molaong. Dithoto tsena tse hapilweng ke Bolaodi ba Meedi di ile tsa nyehelwa diatleng tsa Ditshebeletso tsa Sepolesa sa Afrika Borwa (SAPS) hore di bolokwe, le hore ho etswe diphuputso le botjhotjhisi.

Mong. Edward Kieswetter, Khomishenara ya SARS, o thoholelitse bahlanka bana ka mekutu ya bona eo e sa sitisang ho nyenyelelwa ha dithethefatsi tse fetolang semelo feela kahare ho naha, empa ka ho boela ba sireletsa setjhaba ditlamoraong tse mpe tsa tsena. O boletse hore “katleho ena e supa ho atleha ha tshebedisano le balekane ba rona mane Brazil. Ke tshebedisano e tjena e bakang hore ho be le ho tshwarana ka matsoho dinaheng tsa BRICS moo re ka nonyetsang ka matla maqulwana a hlophisitsweng a dinokwane. Katleho ena e boela e supa hore mekutu ya diakgente tsohle tsa rona tsa molao di ananetse phephetso ya ho sireletsa madiboho a rona”.

Ho fumana lesedi le fetang lena, ka kopo ikopanye le SARSMedia@sars.gov.za

KE PHETHO